

Udin sede dal concors nazionâl

Ançe la Universitât di Udin, unic ateneu in Friûl Vignesie Julie, e sarâ sede de gnove procedure pal otigniment de abilitazion sientifiche nazionâl par professôr universitari ordenari e associât. L'Ateneu furlan al è di fat une des 32 universitâts talianis dulà che si tignarà il prin concors pe abilitazion ae docenze academiche daûr des gnovis regulis de riforme dal sisteme universitari talian. A Udin si tignaran lis proceduris di abilitazion par cinc setôrs di concors: patologjie gjenerâl e patologjie cliniche, microbiologjie e microbiologjie cliniche, planificazion e progjetazion urbanistiche e teritoriâl; implants e procès industriâi chimics, ingegnarie de energjie eletriche.